



МОНГОЛ УЛСЫН
УУЛ УУРХАЙ, ХҮНД ҮЙЛДВЭРИЙН САЙДЫН ТУШААЛ

2019 оны 05 сарын 01 өдөр

Дугаар А/78

Улаанбаатар хот

Журам батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Шилэн дансны тухай хуулийн 4 дүгээр зүйл, 5 дугаар зүйлийн 5.1 дэх хэсэг, 8 дугаар зүйлийн 8.2 дахь хэсэг, Засгийн газрын 2016 оны 29 дүгээр тогтоолыг тус тус үндэслэн ТУШААХ нь:

1. Шилэн дансны тухай хуулийн дагуу Уул уурхай, хүнд үйлдвэрийн яамны “Шилэн дансны мэдээлэл, хэрэгжилтэд хяналт тавих журам”-ыг нэгдүгээр, “Мэдээллийг иргэн, олон нийтэд хүргэх агуулгын жагсаалт”-ыг хоёрдугаар хавсралтаар тус тус баталсугай.

2. Энэхүү тушаалын хавсралтаар баталсан журам болон мэдээллийг иргэн, олон нийтэд хүргэх агуулгын жагсаалтын биелэлтэд хяналт тавьж ажиллахыг Төрийн нарийн бичгийн дарга /Г.Нандинжаргал/-д даалгасугай.

3. Шилэн дансны тухай хуулийн хэрэгжилтэд тавих дотоод хяналтыг зохион байгуулж, үнэлэлт өгч, дүгнэлт, зөвлөмж гаргаж ажиллахыг Хяналт-шинжилгээ, үнэлгээ, дотоод аудитын газар /Г.Ганхүү/-т даалгасугай.


4. Энэхүү тушаал гарсантай холбогдуулан Уул уурхайн сайдын 2015 оны 24 дүгээр тушаалыг хүчингүй болсонд тооцсугай.

САЙД



Д.СУМЪЯАБАЗАР

08 0742



ШИЛЭН ДАНСНЫ МЭДЭЭЛЭЛ, ХЭРЭГЖИЛТЭД ХЯНАЛТ ТАВИХ ЖУРАМ

Нэг. Нийтлэг үндэслэл

1.1. Энэхүү журмын зорилго нь Шилэн дансны тухай хуулийг хэрэгжүүлэх, Засгийн газрын 2016 оны 29 дүгээр тогтоолоор баталсан "Шилэн дансны цахим хуудсанд тавигдах мэдээллийн агуулга, нийтлэг стандартыг тогтоох тухай журам" /цаашид Засгийн газрын журам гэх/-д заасан харилцааг зохицуулахад оршино.

Хоёр. Мэдээллийг иргэн олон нийтэд түгээхэд баримтлах зарчим

2.1 Уул уурхай, хүнд үйлдвэрийн яам /цаашид яам гэх/-аас гаргах мэдээлэл нь дараах шаардлагыг хангасан байна;

2.1.1. Төсвийн тухай хууль, Мэдээллийн ил тод байдал ба мэдээлэл авах эрхийн тухай хууль, Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хууль, Шилэн дансны тухай хуульд нийцсэн байх;

2.1.2. Мэдээллийг иргэн, олон нийтэд нээлттэй байлгах үүднээс байгууллагын цахим хуудсанд Шилэн данс цэсийг нээн ажиллуулах;

2.1.3. Цахим хуудсанд байрших шилэн дансны мэдээллийн цэсэнд Засгийн газрын журмын хавсралтын 2.2.1-2.2.3 дахь заалтуудын дагуу төсөв/гүйцэтгэл, хөрөнгө оруулалт, тендер болон худалдан авалт, бусад гэсэн 3 дэд цэсэнд ангилан зохион байгуулах;

2.1.4. Мэдээллийг 7 хоногийн 5 дахь өдөр бүр яамны шилэн дансны мэдээлэл оруулах эрх бүхий этгээд тогтмол шинэчилж, өөрчлөлт орсон тухай бүрд өмнөх мэдээллийг цахим хуудасны архивт хадгалах, архивын мэдээллийн санд нэвтрэх, татан авах, хэвлэх боломжийг хангах;

2.1.5. Тушаалын хоёрдугаар хавсралтад тусгагдсан, Засгийн газрын журмын 3.1.1-3.2.18-д заасан агуулга бүхий мэдээллийг хууль тогтоомжоор тогтоосон хугацаанд иргэн олон нийтэд мэдээлэх;

2.1.6. Мэдээллийг бэлтгэж гаргах албан тушаалтан, мэдээлэл хүргэх албан тушаалтнууд бүртгэлийн дэвтэр хөтөлж, хуулийн хугацаанаас ажлын 2 хоногийн өмнө цахим хуудас болон нэгдсэн мэдээллийн санд оруулна. Мэдээлэл гаргасан албан тушаалтны нэр, гарын үсгээр баталгаажсан байх;

2.1.7. Шилэн дансны мэдээлэлд тодруулга өгөх албан тушаалтан нь яамны ерөнхий нягтлан бодогч байх ба түүнийг эзгүйд Төрийн захиргааны удирдлагын газрын Санхүүгийн хэлтсийн ахлах мэргэжилтэн эсвэл Хяналт шинжилгээ үнэлгээ дотоод аудитын газрын Санхүүгийн хяналт шалгалтын улсын ахлах байцаагч орлоно. Шилэн данс цэсэнд дээрх албан тушаалтнуудын нэр, утасны дугаар, цахим хаягийг байршуулах;

Гурав. Шилэн дансны нэгдсэн мэдээллийн цахим хуудас

3.1. Яамны шилэн дансны нэгдсэн системд хандах эрх бүхий этгээд өөрийн нэр, нууц үгээр нэвтрэн шилэн дансны мэдээллийг оруулах;

3.2. Яам 2015 оны 1 дүгээр сарын 01-ний өдрөөс эхлэн шилэн дансны цэсэнд байршуулсан мэдээллийг PDF, EXCEL, XML форматаар цахимаар архивлан Шилэн дансны нэгдсэн цахим системд оруулах;

Дөрөв. Шилэн дансны тайлагналт, хяналт

4.1. Яамны шилэн дансны мэдээлэлд хяналт шалгалт хийх, дүгнэлт гаргах, эрсдлийн удирдлагаар хангах, Сангийн яаманд тайлагнах үүргийг Хяналт-шинжилгээ, үнэлгээ дотоод аудитын газар хариуцана;

4.2. Уул уурхай, хүнд үйлдвэрийн сайдын эрхлэх асуудлын хүрээний байгууллагуудын Шилэн дансны тухай хуулийн хэрэгжилтэд хяналт шалгалт хийж, дүгнэлт гарган, зөвлөмжөөр хангах үүргийг Хяналт-шинжилгээ, үнэлгээ дотоод аудитын газар хариуцана;

Тав. Үүрэг, хариуцлага

5.1. Шилэн дансны мэдээллийг энэ тушаалын хоёрдугаар хавсралтад заасан албан тушаалтан хуулийн хугацаанд үнэн зөв мэдээлэх үүргийг хүлээнэ;

5.2. Хууль тогтоомж зөрчигчдөд Шилэн дансны тухай хуулийн 10 дугаар зүйлийн 10.1, 10.2, 10.3 дахь хэсгийг үндэслэн хариуцлага ногдуулна;

5.3. Эрх бүхий албан тушаалтан мэдээлэх үүргээ бусдад шилжүүлсэн нь түүнийг хариуцлагаас чөлөөлөх үндэслэл болохгүй;

---oooOOooo---

Уул уурхай хүнд үйлдвэрийн сайдын
2019 оны 05 дугаар сарын 01-ны өдрийн
А178 дугаар тушаалын хоёрдугаар хавсралт

МЭДЭЭЛЛИЙГ ИРГЭН, ОЛОН НИЙТЭД ХҮРГЭХ АГУУЛГЫН ЖАГСААЛТ

№	Шилэн дансны мэдээллийн төрлийн нэр	Мэдээлэл хариуцагч	Мэдээлэл оруулах давтамж	Ил тод болгох эцсийн огноо	Нийт мэдээллэх тоогоор/	Хариуцах мэргэжилтэн
1	Төсвийн ерөнхийлөн захирагчийн төсвийн хөтөлбөр, хөтөлбөрийн хүрэх үр дүнгийн талаарх тоон болон чанарын үзүүлэлт, биелэлт/тухайн оны төлөвлөгөө/	УУХУ-ийн сайд/ТЕЗ/	Бүтэн жил	01 сарын 10	1	СХ-ийн ахлах мэргэжилтэн Ш.Эрдэнэцэцэг
2	Төсвийн ерөнхийлөн захирагчийн төсвийн хөтөлбөр, хөтөлбөрийн хүрэх үр дүнгийн талаарх тоон болон чанарын үзүүлэлт, биелэлт/өнгөрсөн оны гүйцэтгэл/	УУХУ-ийн сайд/ТЕЗ/	Бүтэн жил	04 сарын 25	1	СХ-ийн ахлах мэргэжилтэн Ш.Эрдэнэцэцэг
3	Дараа жилийн төсвийн төсөл	УУХУ-ийн сайд/ТЕЗ/	Бүтэн жил	09 сарын 15	1	СХ-ийн ахлах мэргэжилтэн Ш.Эрдэнэцэцэг
4	Төсвийн ерөнхийлөн захирагчийн төсвийн хөтөлбөр, зориулалтын батлагдсан төсөв, гүйцэтгэл, хэтрэлт хэмнэлтийн шалтгаан тайлбарын хамт /сар бүр/	УУХУ-ийн сайд/ТЕЗ/	Сар бүр	Дараа сарын 8-ны өдөр	12	СХ-ийн мэргэжилтэн М.Нямсүрэн
5	Төсвийн ерөнхийлөн захирагчийн төсвийн хөтөлбөр, зориулалтын батлагдсан төсөв, гүйцэтгэл, хэтрэлт хэмнэлтийн шалтгаан тайлбарын хамт /улирал/	УУХУ-ийн сайд/ТЕЗ/	Улирал бүр	Улирлын дараа сарын 8-ны өдөр	4	СХ-ийн мэргэжилтэн М.Нямсүрэн
6	Төсвийн ерөнхийлөн захирагчийн төсвийн хөтөлбөр, зориулалтын батлагдсан төсөв, гүйцэтгэл, хэтрэлт хэмнэлтийн шалтгаан тайлбарын хамт /бүтэн жил/	УУХУ-ийн сайд/ТЕЗ/	Хагас жил	08 сарын 15	1	СХ-ийн мэргэжилтэн М.Нямсүрэн

